



Hartuicus à teneris annis bonis literis operam dedit, & uiris doctissimis suo tempore connumeratus fuit. Itaque cum sedes Magdeburgensis suo præfuli destitueretur, ipse eius loci antistes creatus fuit. Eam Ecclesiam magna prudentia gubernauit, atq; suis uirtutibus reliquis exemplo fuit. Cum autem eo tempore Henricus 4. Imperator multas cōtentiones cum pontificibus Romanis haberet, indeq; graues dissidiæ passim per Romanum Imperium orirentur, Hartuicus sese pro sua pietate mediatorem interposuit, atq; magna industria dissidentes partes inuicem reconciliare statuit. Cum autē nihil efficere posset, atq; Im-

perij principes in uarias partes scinderentur, ipse dolore huius facti in morbum incidit, atq; magno omnium luctu obiit, anno Christi circiter millesimo centesimo secundo. *Vrsperg. in Cronicis.*